



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-574/10
Sarajevo, 9.4.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-04-2010			
Organizaciona jedinica	Klasifikaciona oznaka	Redni broj	Broj priloga
01-50-1-15-71/10			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 118. sjednici održanoj 8.4.2010. godine, utvrdilo je Odgovor na zastupničko pitanje koje je postavio gosp. Remzija Kadić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-574/10
Sarajevo, 8.4.2010. godine

REMZIJA KADIĆ, zastupnik u Zastupničkom domu Parlamentarne skupštine Bosne i Hercegovine, na 71. sjednici Zastupničkog doma održanoj dana 03. 02. 2010. godine, postavio je sljedeće zastupničko pitanje:

„Da li je i koliko do sada pokrenuto sudskih i drugih postupaka pravne zaštite radi povrata imovine i imovinskih prava u skladu sa Aneksom „G“ Sporazuma po pitanju sukcesije bivše SFRJ?“

Na postavljeno pitanje, Vijeće ministara Bosne i Hercegovine je na 118. sjednici održanoj 8.4.2010. godine, utvrdilo sljedeći

ODGOVOR

Sporazum o pitanjima sukcesije („Službeni glasnik BiH – međunarodni ugovori“, broj: 10/01) potpisan je 29. lipnja 2001. godine u Beču, a stupio je na snagu 02. lipnja 2004. godine.

Aneksom „G“ navedenog Sporazuma, države sukcesori su se obvezale da će na svojim teritorijama štititi privatnu svojinu, uključujući i intelektualnu svojinu, patente, zaštitne znakove i autorska prava, kao i stečena prava na pokretnoj i nepokretnoj imovini (uključujući i stanarsko pravo) svih državljana prethodne Jugoslavije, bez ikakve diskriminacije po bilo kojem osnovu, tj. neovisno od nacionalnosti, državljanstva, boravišta ili prebivališta, svuda gdje su ta prava stečena prije 31. prosinca 1990. godine.

- Podsjećamo da je Vijeće ministara BiH, na svojoj 86. sjednici održanoj 07. 05. 2009. godine, razmatralo i usvojilo Izvješće o implementaciji Aneksa „G“ Sporazuma o pitanjima sukcesije bivše SFRJ na teritoriji Bosne i Hercegovine i na teritoriji drugih država-nasljednica bivše SFRJ te je konstatiralo „da su subjekti, koji imaju pravo aktivne legitimacije, odgovorni ažurirati aktivnosti na zaštiti stvari i prava iskazanih u pasivnoj podbilanci, imajući u vidu odredbe Aneksa „G“ Sporazuma o pitanjima sukcesije bivše SFRJ“. Istovremeno su zaduženi:
 - „Pravobraniteljstvo BiH da pruži nužnu pravnu pomoć subjektima iz Bosne i Hercegovine kod ostvarivanja prava na imovinu u sudskim i upravnim sporovima koji se vode pred međunarodnim sudovima ili sudovima država nasljednica bivše SFRJ;
 - Ministarstvo financija i trezora i Ministarstvo vanjskih poslova da osiguraju bezuvjetno provođenje odredbi Aneksa „G“ u ostalim državama nasljednicama bivše SFRJ“.
- Po prijemu naprijed navedenih zaključaka Vijeća ministara BiH, predstavnici Pravobraniteljstva BiH obavili su razgovore sa predstavnicima Agencije za privatizaciju u Federaciji BiH (APF), a isto smo učinili i nakon prijema zastupničkog pitanja imenovanog zastupnika. U razgovorima su nas predstavnici APF upoznali sa aktivnostima koje su u cilju zaštite imovine koja „podpada“ pod Aneks „G“ Sporazuma o pitanjima sukcesije poduzimali, kao i teškoćama na koje su nailazili u svom radu.
- Saznali smo da se o registru APF nalaze podaci o više od 500 nekretnina, vrijednosti oko 800 miliona KM. Radi se o knjigovodstvenoj vrijednosti imovine, koja je, sigurno tržišno neuporedivo veća, i to imovine koju su gospodarska društva (poduzeća) tijekom podnošenja programa privatizacije i početnih bilanca stanja poduzeća za privatizaciju (prijava za privatizaciju državnog kapitala) i tonajviše tijekom 1999. i 2000. godine. Pri tome treba imati u vidu da, sukladno kantonalnim zakonima o privatizaciji, i kantonalne agencije raspolazu, također, sa vrlo značajnim podacima o imovini čija zaštita proizilazi iz Aneksa G Sporazuma o sukcesiji.
- Treba napomenuti da je, upravo iz razloga ažurnije skrbi o takvoj imovini, Parlament Federacije BiH donio Zakon o izmjenama i dopunama Zakona o početnoj bilanci stanja poduzeća i banaka („Službeni list Federacije BiH“, broj: 47/06), kojim Zakonom je predviđeno osnivanje Direkcije za upravljanje pasivnom podbilancom poduzeća i banaka, koja Direkcija, nažalost, još uvijek nije počela sa radom.

Na kraju, smatramo da nositelji pravobraniteljske funkcije, sukladno svojim profesionalnim i stručnim sposobnostima, mogu pružiti svaku stručno-kolegijalnu pomoć u zaštiti navedene imovine, kao što mogu dati svoj doprinos i u prijedlozima vezanim za postupanje drugih institucija entiteta i BiH, kao npr. Ministarstva vanjskih poslova čija uloga, imajući u vidu mjegove mjerodavnosti, može također biti značajna u kontaktima sa vladama država-sukcesora, pa tako i sa Vladom Republike Srbije.